


အပိုက်အပိုက်
AWIG-AWIG
ရဟန်းအရဟန်း
DESA ADAT PADONAN



ရန်ကုန်မြို့နယ်
KECAMATAN KUTA UTARA
ရန်ကုန်မြို့နယ်
KABUPATEN BADUNG

Wewidangan Kabupatén Badung

WEWIDANGAN KABUPATEN BADUNG




WEWIDANGAN KECAMATAN KUTA UTARA



8

Wewidangan Desa Tibubeneng


WEWIDANGAN DESA TIBUBENENG



Ganti

វិស័យកសិកម្មនិងរុក្ខាប្រមាញ់

WEWIDANGAN DESA ADAT PADONAN





PAMITEGES NIYASA

- ha. Puspa pacandana mawarna gadang nyihnayang Krama Desa Adat Padonan ngukuhin Panegara Republik Indonesia, Pancasila, lan mikukuhin Panca Srada.
- na. Warna dasar pelung ring tengah suksmannyane desane dayuh saantukan kantun asri antuk papayonan lan tataneman ring pasibakan.
- ca. Warna kuning, barak bucu telu suksmannyane nyihnayang Desa Adat Padonan kaiket antuk Tri Hita Karana.
- ra. Padi lan kapas maka cihna Krama Desa Adat Padonan ngutsahayang mangda landuh lan kerta raharja.
- ka. Candi bentar maka cihna pralambang ngrajegang agama Hindu lan seni budaya.
- da. Rantai maka cihna pakilitan Desa Adat Padonan kasangra antuk Banjar Adat.
- ta. Gedong ring tengah Candi bentar lambang gedong Paduan pinaka genah payogan dane I Gusti Gede Mangku sane kasuwen-suwen dados Padonan.
- sa. Sesuratan "**Kerta Çanti Paramitha**"
- Kertha mapiteges landuh.
 - Çanti mapiteges dame.
 - Paramitha mapiteges paripurna.
- Tatujun wewangunan Desa Adat Padonan mangda desane landuh, dame lan paripurna.

PIDAGING AWIG-AWIG

AWIG-AWIG DESA ADAT PADONAN

PAMITEGES NIYASA	i
PIDAGING AWIG-AWIG	ii
SARACITA	iv
SARGA I ARAN LAN WEWIDANGAN DESA	1
SARGA II PATITIS LAN PAMIKUKUH	1
SARGA III SUKERTA TATA PAKRAMAN	2
Palet 1. Indik Krama	2
Palet 2. Indik Prajuru	6
Palet 3. Indik Paruman	8
Palet 4. Indik Kulkul	11
Palet 5. Indik Druen Desa	12
Palet 6. Sukerta Pamitegep	14
Kaping 1. Karang, Tegal lan Carik	14
Kaping 2. Pepayonan	15
Kaping 3. Wewangunan	16
Kaping 4. Wewalungan	16
Kaping 5. B h a y a	18
Palet 7. Penyanggran Banjar	19
SARGA IV SUKERTA TATA AGAMA	20
Palet 1. Indik Dewa Yadnya	20
Palet 2. Indik Rsi Yadnya	24
Palet 3. Indik Pitra Yadnya	25
Palet 4. Indik Manusa Yadnya	29
Palet 5. Indik Bhuta Yadnya	30

SARGA V	SUKERTA TATA PAWONGAN	32
Palet 1.	Indik Pawiwahan	32
Palet 2.	Indik Nyapian	36
Palet 3.	Indik Sentana	38
Palet 4.	Indik Warisan	40
SARGA VI	WICARA LAN PAMIDANDA	42
Palet 1.	Indik Wicara	42
Palet 2.	Indik Pamidanda	43
SARGA VII	NGUWAH NGUWUHIN AWIG-AWIG	44
SARGA VIII	P A M U P U T	44
PAKELING		47

SARA CITA

OM SWASTYASTU, OM AWIGHNAMASTU NAMA SIDHAM

Mungging desane puniki wantah pawakan pesayuban krama Desa rawuhing kulawarga pawongannya. Manut dresta, desane keanggehang Bhuwana Agung, pawongannya soang-soang pinaka Bhuwana Alit. Adung Patemon kang Bhuwana ruwa ngawentenang kahuripan sekala niskala melarapan Santa Jaghadita sinanggehang murdhaning prayojana pangriptaning awig-awig.

Sotaning Bhuwana Agung, Desane wantah pawakan "Bhuwana Maurip" jangkep saha Tri – Hita – Karanannya luwire :

- na. PARHYANGAN, sehanan Kahyangan panyiwian Desa, genah ngarcana Hyang, maka Atman Desane.
- na. PALEMAHAN, tanah kekuwuban saha dagingnya sinanggehang Angga – Sarira – Tawulan Desane.
- na. PAWONGAN, warga desane sami, pawakan Tri – Kaya, awanan Desane sidha molah ma-prawerti.

Putusan Paruman **Desa Adat Padonan**, gumawe Awig-awig puniki maka epat siku-siku pematut, wastu kesadyan prayojana mami kabeh prasidha angidep nuwuh amagehaken sekadi linging Awig-awig puniki.

SARGA I

ARAN LAN WEWIDANGAN DESA

Pawos 1.

- (1). Desa Adat puniki mewasta : Desa Adat Padonan.
- (2). Jebar wewidangannya mewates nyatur ring :
 1. Sisi wetan : Desa Adat Padangluwih lan Desa Adat Kerobokan.
 2. Sisi Kidul : Desa Adat Tandeg.
 3. Sisi Kulon : Desa Adat Cangu.
 4. Sisi Lor : Desa Adat Dalung.
- (3). Wewidangan Desa Adat Padonan kepah dados 9 (sia) Banjar Adat luwire
 1. Banjar Dama.
 2. Banjar Dawas.
 3. Banjar Tibubeneng.
 4. Banjar Kulibul Kangin.
 5. Banjar Kulibul Kawan.
 6. Banjar Aseman Kangin.
 7. Banjar Aseman Kawan.
 8. Banjar Pegending.
 9. Banjar Pengilian.

SARGA II

PATITIS LAN PAMIKUKUH

Pawos 2.

Desa Adat Padonan puniki ngamanggehang pamikukuh :

1. Pancasila.
2. UUD. 1945, Pamekas pasal 18.

3. Saharan Peraturan Negara Republik Indonesia.
4. Tri Hita Karana manut tatwaning Bhuwana Agung.

Pawos 3.

Luwir Patitis Desa Adat Padonan :

1. Mikukuhin miwah Ngrajegang Agama Hindu.
2. Nginggilang tata prawerti meagama.
3. Ngrajegang kasukertan desa saha pawonganya sekala kelawan niskala.

SARGA III

SUKERTA TATA PAKRAMAN

Palet 1.

Indik Krama

Pawos 4.

- (1). Sane kebawos krama desa inggih punika : kulawarga sane meagama Hindu negakin karang pedi a pelebahan utawi krama sane magenah netep sajeroning palemahan Desa Adat Padonan, semalihipun satinut ring daging Awig-awig Desa Adat Padonan.
- (2). Sajaba punika sinanggeh tamiyu turmaning manut linggihnyane wenten kalih pawos :
 1. Sane meagama Hindu, menawite :
 - ha. Ngrawuhin pakulawarga ring Desa Adat Padonan arep mawirasa miwah ngaturang bakti ring Kahyangan Desa.
 - na. Ngerereh pangupajiwa turmaning jumenek jantos sasihan patut :
 - Sajeroning awuku masadok ring prajuru adat lan dinas antuk ilikita pastika.
 - Keni sadana krama manut paetangan soang-soang banjar.

- Katedunang makrama banjar / desa manut paetangan soang-soang banjar.
 - Sang katedunang mekrama banjar / desa, keni batu-batu manut pararem.
2. Siosan ring sane meagama Hindu menawite :
- ha. Mawirasa miwah ngrereh pangupajiwa patut sajeroning awuku masadok ring prajuru dinas saha keni sadana krama nyabran sasih, manut paetangan soang-soang banjar dinas.
 - na. Sang pecak keni ayah suka duka adat.

Pawos 5.

Krama Desa / Banjar wenten kalih soroh, luwire :

- (1). Krama ngarep, inggih punika krama sane sampun mawiwaha tur sampun katedunang mekrama banjar adapt, kesinaksiang antuk prajuru banjarnia soang-soang.
- (2). Krama balu.

Pawos 6.

Kawi dados krama Desa / Banjar wenten 3 (tigang) soroh :

- (1). Mawiwit negakin tanah apalebahan.
- (2). Mawiwit jumenek mapaumah wiadin ngrereh pangupajiwa sajeroning palemahan Desa Adat Padonan.
- (3). Malarapan antuk pawiwahan pratisentana manut tata cara agama Hindu wiwit (1) miwah wiwit (2) ring ajeng.

Pawos 7.

Panemaya tedun makrama desa :

- (1). Malarapan antuk pawiwahan risampun katedunang makrama banjar.
- (2). Malarapan ngrereh karya / pangupajiwa saha jumenek risampun katedunang makrama banjar.
- (3). Malarapan patilar rahayu warga desa siosan, patut makrama desa risampun atur supeksa ring prajuru Desa Adat Padonan.

Pawos 8.

Sahanan warga desa sami keni ayah-ayahan sekadi ring sor :

- (1). Ayah ngarep saking krama ngarep.
- (2). Ayah balu saking krama balu.
- (3). Ayah roban saking krama dandanan waris wiwit (1) miwah wiwit (2) ring ajeng, sane sampun munggah deha teruna tur kapupulang dados sekaa deha teruna, sane mayusa sakirang ipun 17 warsa.

Pawos 9.

Tetegenan krama desa sekadi ring sor :

- (1). Patut satinut ring sedaging awig-awig, pasuara miwah sahanan pararem desa.
- (2). Krama ngarep keni ayah miwah pepeson sakadi ring sor :
 - ha. Balu mekrambian sawungkul, yening sampun ayah jangkep.
 - na. Balu ngempu keni ayah miwah pepeson saparo jangkep.
 - ca. Balu ngatung tan keni ayah, nanging keni pepeson separo jangkep.
 - ra. Balu nglisting tan keni ayah lan pepeson.

Pawos 10.

- (1). Swadarmaning krama desa / banjar siosan ayah-ayahan luire :
 1. Dreda atuang ring desa.
 2. Tinut saturut ring sadaging awig-awig, pasuara miwah pararem-pararem desa.
 3. Tan maren ngutsahayang mangda desane prasida nyujur manut patitis.
- (2). Krama banjar utawi krama sane madrue auban dados ngardi awig-awig (pararem), sakewanten mangda tan piwal ring pidaging awig-awig Desa Adat Padonan.
- (3). Swadarmaning tamiu :
 1. Tinut ring tetiwak desane ngupadi sukerta sekala.

2. Tan wenten tungkas sapamargin pasukertan desane.

Pawos 11.

Patias (ulih-ulihan) krama desa / banjar sakadi ring sor :

- (1). Polih pasayuban prajuru ngamanggehang luih patitis, tur kabawosin saha katiwakin pamutus sahanan wicarane.
- (2). Nyarengin paruman desa / banjar saha wenang mastikayang pamutus.
- (3). Kengin mapuangkid, nyada, nyuksukin, luput, mogpog miwah ngewot manut paetangan:
 1. Puangkid, ngluputin ayah-ayah desa / banjar menawita mayadnya, matepetin miwah kaluasan.
 2. Nyada, ngamademang ayah-ayah desa / papeson riantukan sampun wenten penyade utawi lanjut yusa wiadin pinunas ngraga (sakit-sakitan)
 3. Nyada / nyalediihin (nyluksukin) ayah, tur sane kadadosang risampun munggah deha-truna.
 4. Mopog ngetut ayah saha pepeson antuk artha brana.
 5. Ngewot, ngentos ayah saha pepeson antuk brana, dwaning kajudi antuk sang mawangrat wiadin kaluasan sakidik ipun 6 sasih.

Pawos 12

Mungguing pamidanda sane katiwakang ring :

- (1). Sahanan warga desa sane piwal ring sadaging awig-awig tan prasidha ngesehin salah maprawerti risampun kaparituduh antuk prajuru, inggih punika tan kalugrain tirta Kahyangan Tiga ritatkala nangun yadnya salah sinunggil wargania, gumanti sang inucap eling ring raga tur nunas pangampura indik kaiwangangana ring prajuru, maduluran antuk pajati ring Kahyangan Tiga.
- (2). Risampun maprayascita dewek, prajuru kapatutang ngruak sekadi munggah ring (1) inucap, saha nyiarang ring krama desa.

Pawos 13.

- (1). Wusan dados krama desa / banjar sekadi ring sor :
 1. Sangkaning magingsir genah saking wewidangan Desa Adat Padonan, kadulurin antuk nunas panugrahan pailikitan prajuru.
 2. Kawusin antuk banjarnia.
- (2). Sang wusan mekrama tan polih pah-pahan sangkaning druen desa / banjar.

Palet 2.

Indik Prajuru

Pawos 14.

- (1). Desa Adat Padonan kaenter antuk Bendesa Adat Padonan.
- (2). Banjar adat kaenter antuk Kelian Adat, kesanggra antuk juru arah (sinoman).
- (3). Sahanan Bendesa Adat mawiwit saking krama ngarep, sakediknia uning ring tata cara adat / agama, tur uning panglokika, miwah keadegang melarapan antuk pemilihan olih krama desa nyabran 5 (limang) warsa, nemoning Ngembak Geni. Sajawaning pari indik tios, kengin kapilih malih, tur maduluran matur piuning nunas panugrahan ring Pura Kahyangan Tiga.
- (4). Tata cara ngadegang prajuru :
 1. Bendesa Adat, Penyarikan, Sedahan lan Kesinoman kapilih adiri saking banjar soang-soang, sane kadulurin antuk pamilihan sinalih tunggil, wakil inucap kerajegang (keadegang) Kelian Desa manut (3) ring ajeng.
 2. Kelian Banjar Adat kapilih antuk krama banjar adapt. Tan kengin nyudi krama-krama sane tan rawuh ring paruman.

Pawos 15.

- (1). Bendesa Adat kesanggra antuk :
 1. Penyarikan pinaka juru surat (ilikita).
 2. Sedahan (Penengen) pinaka pangemong druen desa.

3. Kesiroman pinaka juru pamargi.
 4. Kelihan adat pinaka rencang (wakil) Bendesa Adat ring soang-soang Banjar.
- (2). Wewilangan kesanggra madudonan manut wibuh kancit karya (agung – alit) miwah gegambelan.
 - (3). Sajeroning ngetangan kasukertan niskala, Bendesa Adat mingsinggihang mangku Kahyangan Tiga.

Pawos 16.

- (1). Swadharmaning prajuru desa adat luire :
 1. Ngenterang palaksanaan sadaging awig-awig, pasuara, miwah pararem-pararem desa.
 2. Nuntun tur ngenterang krama rauhing warga desane ngulati anut patitis.
 3. Nuntun saha nyaksinin tata cara miwah sangaskaraning kauripan mabuat sane ngilitang sulur pakulawargan.
 4. Maka duta (utusan) matemuang bawos ring sapasira ugi.
 5. Mawosin kalih niwakang pamutus marep ring wicaran warga desane.
- (2). Prade prajuru aswadharma utawi nilar sesana, kengin kawusan tur patut keni pamidanda manut pasuara utawi pararem nikel manut dudonan.

Pawos 17.

Patias (Ulih-ulihan) sekadi ring sor :

- (1). Bendesa Adat, Penyarikan, Sedahan lan Kesiroman polih ulih-ulihan :
 1. Prajuru desa adat luput papeson, reramon lan arta brana ke desa.
 2. Bendesa adat tan kengin malih kadadosang prajuru ring banjarnyane.

3. Prajuru ring desa sane wawu keadegang patut matur piuning ring Kahyangan Tiga, taler asapunika risasampune puput wiadin wusan ngelaksanayang tugas dados prajuru ring desa.
4. Kelian Adat luput papeson, reramon lan arta brana ring banjarnia soang-soang ritatkala wenten karya desa.
5. Miwah patias sane tiosan manut pararem.

Pawos 18.

- (1). Prajuru kagentosin riantukan :
 1. Kalayuan / seda.
 2. Sampun manut sengkernia.
 3. Pinusnia menawite wenten wicara sane mabuat.
 4. Kanorayang antuk krama desane menawite ngwetuang biuta lan selanturipun.
- (2). Nganorayang / ngentosin prajuru mangda sajeroning paruman tur keraremin antuk krama desa.
- (3). Prajuru sane kanorayang tan kengin kawaliang malih dados prajuru.

Palet 3.

Indik Paruman

Pawos 19.

- (1). Paruman ring Desa Adat Padonan wenten 4 (petang) soroh, inggih punika :
 1. Paruman desa.
 2. Paruman banjar.
 3. Paruman prajuru / pamucuk-pamucuk desa.
 4. Paruman deha taruna taruni, lan selanturipun.
- (2). Paruman desa kawentenang nemoning :
 1. Ngatahun sapisan ritepengang Ngembak Geni (masekar awuku).

2. Padgata kala manut kagunannia.
- (3). Paruman banjar manut pararem banjar soang-soang (asasihapisan).
- (4). Paruman prajuru kawentenang :
 1. Ngenem sasih apisan ritepengan wuku Wariga.
 2. Padgata manut kawigunannia.
- (5). Paruman sekaa daha teruna teruni manut padgata kala, rikala wenten babawos sane mabuat.

Pawos 20.

Sedahan paruman (sangkepan) manut dudonan sekadi ring sor puniki :

- (1). Prasida lumaksana risampune katedunin antuk sang ngamiletin maduluran suaran kulkul, saha busana nyelempot tur tan kengin makta gegawan sakaluire, miwah patut nganutin genah saha cane.
- (2). Pangawit kelaksanayang penyacah sep-sepan saha riwusannia nyacah dedosan.
- (3). Tan maren ngarcana ring Ida Bhagawan Penyarikan maka sarana widhi widanane cane.
- (4). Pamutus kautsahayang gilik-saguluk. Prade tan prasida mangda prajuru ngilikang bawos tur mawali ngererehang pararem krama ; bilih tan prasida taler kasungkemin katumusang ring sang ngawenang mawastu pidaging paruman inucap wicara ring desa.

Pawos 21.

- (1). Sajeroning paruman desa / banjar patut nyiarang pamargin ngenterang desa, pamekas ring sor puniki :
 1. Munjuk lungsuring pakraman sekadi ayah-ayah, sulur arta brana, drue desa miwah salanturnia.
 2. Rencana prajuru ngenenin usaha desane kapungkur.

3. Sahanan wicara saha pamutusnia, lan selantur ipun.
- (2). Sahanan sane kasarang ring ajeng katitenin saha pamitegep palaksanan awig-awig.

Pawos 22.

- (1). Paruman prajuru patut :
 1. Kawentenan ngenem sasih apisan, bilih-bilih kengin ngasasih anut kawigunania miwah padgata kala.
 2. Kasarengin antuk prajuru desa / banjar saha pamucuk-pamucuk ring desa.
 3. Katuntun antuk sinalih tunggil prajuru desa adat Padonan.
- (2). Paruman prajuru desa wantah ngrincikang tata upaya ngelaksanayang usaha miwah pangrencara sekadi ring sor.
 1. Wewangunan ring desa sane patut kadruen desa adat Padonan.
 2. Pawangunan ring pura Kahyangan Tiga (pura Desa, pura Puseh, pura Dalem).
 3. Margi-margi sane kecangkreb antuk desa adat Padonan.
 4. Ngatur pelaba pura.
 5. Miara telajakan-telajakan desa adat Padonan.
 6. Miwah wewangunan siosan manut linggih tatwa agama.
- (3). Pamutus sehanan rerancangan bilih-bilih rencana sane pacang niwakin tetegenan ring ikrama desa adat Padonan, tan patut kelaksanayang sadereng kapikukuh antuk pararem deswa / Banjar anut dudonan.
- (4). Pamutus paruman prajuru, sane mawit pituduh sang mawangrat, utawi ngonekang pecak pararem ikrama, sinanggeh pasuara desa adat Padonan.

Pawos 23.

- (1). Pesangkepan Deha Teruna kawentenang sanistane ngenem sasih utawi padgata kala manut tatujon miwah wigunania soang-soang.
- (2). Nangken sangkepan sekaa patut atur supekta riin ring prajuru desa / banjar,

prasida tan lempas kadi patitis pawos 3 ring ajeng.

- (3). Pamutus pararem patut kerauhing ring Prajuru Desa / Banjar 3 (tigang) rahina sasampune ngawentenang pasangkepan.
- (4). Pasangkepan punika patut nganutin pituduh-pituduh Prajuru Desa / Banjar.

Palet 4.

Indik Kulkul.

Pawos 24.

- (1). Kulkul ring Desa Adat Padonan wenten 4 soroh :
 1. Kulkul Desa magenah ring Pura Desa.
 2. Kulkul Banjar magenah ring Banjar.
 3. Kulkul sekaa deha teruna magenah ring Banjar.
 4. Kulkul sekaa-sekaa magenah ring sekaa soang-soang.
- (2). Tabuh telapakan kulkul desa / banjar pastika masiosan tatujon luire :
 1. Tengeran madue oka utawi pamedalan rare, ping lima banban.
 2. Tengeran tedun ngayah, suaran kulkul dabdab miwah tengeran paruman manut dresta.
 3. Tengeran wali utawi patirtan ring pura-pura nungtit, ngawit pujastawan pemangku / sang sulinggih. Rikanjekan ngerupuk tan kengin nyaurin suaran kulkul sane sampun kebacak sajeroning awig-awig iki, tur kepatut wantah jantos tengahing wengi kemawon.
 4. Tengeran pawiwahan (saking lila cita) ping tiga banban.
 5. Tengeran kepanca bhaya, suaran kulkul bulus tan papekatan.
 - ha. Geni bhaya, suaran kulkul bulus tan papekatan.
 - na. Arta bhaya (kemalingan) suaran kulkul bulus tigang tulud.
 - ca. Yening wenten jadma ngamuk, suaran kulkul mawali-wali.
 - ra. Riwusan kulkul bulus, yen wentun suaran kulkul tabuh alon, nyiarang pakaryane sampun puput

6. Tengeran rikala wenten linuh, suaran kulkul ngompang.
7. Tengeran sinalih tunggil warga desa kelayuan / seda, tabuh kulkul ping 3 (tiga) matuludan.
8. Lan selantur ipun manut pararem ring soang-soang banjar.

Pawos 25.

- (1). Kulkul desa / banjar miwah sekaa-sekaa tan wenang katepak yening tan sangkaning pituduh prajuru sajawaning tengeran kepanca bhaya manut ring ajeng.
- (2). Sang pacak nepak tan sangkaning pituduh, patut digelis atur supeksa maka buatan panepake. Yan tan asapunika kakanda manut pararem. Asapunika taler pamidanda yan nepak tan anut wiguna.
- (3). Prade wenten nepak kulkul anut tengeran kapanca bhaya, mewastu ngamedalang krama, kasujatinne tan wenten panca bhaya, wenang sang nepak kadanda werat 25 kilogram beras, saha kepah, 10 kilogram katur ring desa miwah 15 kilogram ngeranjing ke kas banjar genah kulkule katepak.

Pawos 26.

- (1). Sahanan kulkul banjar sawidangan desa adat Padonan patut katepak prade wenten sinalih kulkul banjar sajeroning perbekelan Desa Tibubeneng nyihnayang tengeran panca bhaya.
- (2). Tengeran kepanca bhaya patut katedunin antuk sahanan ayahan saha gegawan nganut rupan bhayane.
- (3). Kulkul sekaa tan wenang matehin sukat miwah nyaurin tengeran kulkul desa / banjar. Prade mamurug keni pamidanda manut pararem.

Palet 5.

Indik Druen Desa

Pawos 27.

Padruen Desa Adat Padonan sekadi ring sor :

- (1). Kahyangan Desa, Pura Kahyangan Tiga lan Mrajapati jangkep sakaluir busanannia.
- (2). Pelaba pura minakadi sawah / tegalan manut ring palet 5 – (1).
- (3). Lelanguan minakadi tetabuhan lan ilen-ilenpadruen bebanjaran / tempekan, sane wenten ring Desa Adat Padonan minakadi gong, gender, angklung miwah ilen-ilen wali.
- (4). Setra apelebahan, kaparo dados kalih minakadi :
 - Setra rare genah mendem wong rare sane dereng ketus untu.
 - Miwah setra ageng pamendeman wong tua, tur soang-soang kaempon olih kramania manut dresta.
- (5). Piranti-piranti desa luire :
 1. Wewangunan ring pura Dalem / Mrajapati, lan sapanunggilin ipun.
 2. Wewangunan ring pura Desa / Bale Agung, lan sapanunggilin ipun.
 3. Wewangunan ring pura Puseh, lan sapanunggilin ipun.
 4. Wewangunan ring Kahyangan Desa, lan sapanunggilin ipun.

Pawos 28.

-). Kawigunan tanah pelaba pura inucap ring ajeng : pamuponia kaanggen prabea mecikan wewangunan ring Pura Kahyangan Desa, pura Kahyangan Tkakirangannia Desa ngurunin manut pararem.
-). Druen desa tan kengin kaadol, katukar utawi kagadeang, sawawaning sampun keraremin antuk krama desa utawi kawigunayang anut patitis pawos 3.

Pawos 29.

- (1). Prajuru wenang ngetangan pamupon pelaba, lan sapanunggilan druen desa.
- (2). Nyabran paruman desa Sedahan Penyarikan patut nyiarang pari indik munjuk lungsuring druen desa antuk ilikita pastika.

Palet 6.

Sukerta Pamitegep

Kaping 1.

Karang, Tegal, lan Carik.

Pawos 30.

- (1). Krama sane ngamong tanah karang apelebahan, patut ngwatesin karang inucap antuk pagehan / tembok pinih utama sane marep ke margine mangda kanten asri.
- (2). Watese sisi kangin miwah sisi kaler patut kakaryanin antuk sang madrue karang, reh punika mawasta gegaleng kaluan.
- (3). Prade karasayang pagehan inucap nglikadin, yening pada arsa pangadunnia, kengin watese nganggen pinget kewanten.
- (4). Asapunika taler yening wenten karang kabebeng, mangda kautsahayang wenten pamarginnia.

Pawos 31.

- (1). Tegal miwah carik patut magaleng kateben, pitegesnia watese sisi kulon miwah sisi kidul patut kakaryaning antuk sang madrue tegal miwah carik.
- (2). Wates inucap kengin antuk pagehan wiadin prasihna pal saking KPT.

Pawos 32.

- (1). Sinalih tunggil krama desa / banjar tan kalugra :
 1. Nglahlah karang tanah pelaba pura, margi, tegal miwah carik.

2. Nglalah tanah tegak Kahyangam , setra lan sapanunggilannia.
 3. Ngembahang toya (toya sane membah) wit badan wewalungan, pasiraman / kakus, pawaregan, lan sapanunggilnnia ka pekarangan / ka paumahan anak lian utawi ka pemargine.
 4. Ngentungan wangken wewalungan ka tukade utawi ka pekarangan krama sios.
- (2). Prade wenten kadi ring ajeng (1). Keni pamidanda :
1. Angka 1 patut ngewaliang sane kalahlah miwah danda manut pararem.
 2. Angka 2 sajaba danda manut kadi dandaning wiwit 1 ring ajeng maweweh panyangaskara tanah kahyangan sane kalahlah.
 3. Angka 3 patut nyampetin utawi ngaryanang pemargi toya sumeken.
 4. Angka 4 patut nanem wangke inucap.

Kaping 2.

Pepayon.

Pawos 33.

- (1). Ngawit nanem pepayon patut adepa agung (2,5 meter) ngajeroang saking wates.
- (2). Tan kalugra wit taru :
 1. Mentik sajeroning wates.
 2. Nglintangin wates, bilih-bilih mawastu mayanin kapisaga.
- (3). Prade wenten anut (2) ring ajeng kengin kawarah antuk pangadinnia, tur kasadokang ring prajuru mangda mituduhin sang nruenang wit ngebah taru inucap. Yening sampun jantos ping tiga nyadokang ring prajuru taler during karebah, kengin sang nyaduang ngrebah taru inucap, kasaksi antuk prajuru, tur tarune pinara tiga, asiki katur ring prajuru miwah kakalih kabagi antuk sang madrue wates.
- (4). Prade wenten sinanggeh mayanin, sang kajerihin patut atur supeksa ring prajuru tur risampun kaparitatas, mituduhin sang nruenang wit munggul utawi

sanistane nyepat gantungin.

(5). Sane keni pamidanda panyangaskara saha prabea manut pararem, wewangunan sane karurubin :

1. Sang nruenang wit sinanggeh mayanin, ngrubuhin wewangunan jatma tios.
2. Sang notor, munggul utawi ngebah taru, prade pungkak ngrubuhin wewangunan jatma tios.
3. Panyangaskara inucap sanistane prayascitta jangkep, tur mecikang sane karusak.

Kaping 3.

Wewangunan

Pawos 34.

(1). Wewangunan patut :

1. Ngangge Asta Bhumi miwah gegulak Asta Kosala-Kosali, sanistane manut ring patitis niskala.
2. Tan yogya nyayubin ka pisaga.
- (2). Prade wenten sekadi angka (1).2. ring ajeng, risampune kasadokang ring prajuru, keni pamidanda manut pararem.
- (3). Prade ngwangun tepi siringe / wates patut ngawentenan paigum ring pangadinnia tur masadok ring prajuru banjar lan desa. Yan murug, riwekas prade kawarah antuk pangadinnia wenang wewangunan inucap kagubar antuk sang madrue saha tan polih prabea kapocolan.
- (4). Prade ngwangun tepi siring, yening sampun polih paigum saking pangadinnia, patut nganggen abangan, tur cacapannia tiba kajero.
- (5). Krama sane pacang ngwangun patut masadok ring prajuru, sadurunge polih uak-uakan prajuru dereng dados ngwangun.

Kaping 4.
Wewalungan
Pawos 35.

- (1). Sahanan warga desa sane mamiara sakaluring wewalungan patut sayaga nitenin, negul / nglogor mangda tan ngrusak karang utawi pabianan krama siosan, bilih-bilih jantos ngranjing ngletehin kahyangan.
- (2). Prade wenten sekadi ring ajeng, sang katiben patut malungguhang ring sang maderbe wewalungan, nglantur nyadokang ring prajurun desane, mangda katiwakang pamidanda sekadi ring sor :
 1. Ngwaliang wit sane karusak miwah prabea kapocolan, yening wewalungan ngeleb ngrusak tetanduran utawi genah sane suci.
 2. Cecaron Eka Sato, yening wewalungan ngrusak Kahyangan miwah genah suci, masengker selamin ipun 3 rahina.
 3. Kapidanda antuk sapengangan beras 5 kilogram, kaambil antuk prajuru sane rumawos.

Pawos 36.

- (1). Tan kawenang ngangon ring :
 1. Palemahan pura Kahyangan Tiga (Pura Desa, Pura Puseh, Pura Dalem) lan Kahyangan Desa.
 2. Pantaraning / pundukan sane wenten pantunnia.
 3. Tegal pabianan krama siosan.
 4. Pura-pura Paibon, Dadia, Panti, miwah genah-genah sane sinanggeh suci.
 5. Sawah sane madaging pamulan kantun alit, kirang ring abulan.
- 2). Prade wenten kadi inucap ring ajeng (1) kadanda manut pararem, saha kaduluran cecaron prade nganggon ring genah sinanggeh suci ring ajeng.

Pawos 37.

Tata caraning naban wewalungan.

- (1). Prade kacunduk wewalungan ngrusak tur tan wenten mariangken, wenang kataban antuk sang katiben.
- (2). Sapasira ugi sane polih naban wewalungan patut :
 1. Masadok ring prajuru desa / banjar, tur prajuru patut nureksain wewalungan punika.
 2. Miara wewalungan inucap sepatutipun.
 3. Yan mamurug kecaping 1 miwah 2 ring ajeng tan polih prabea saking sane nruenang wewalungan inucap.
- (3). Sang madrue wewalungan patut :
 1. Nawur prabea ring sang sane polih naban anut panglokika prajuru desa / banjar.
 2. Nawur prabea ring banjar gung arta sadaweg wewalungan inucap ical.
 3. Prabea inucap kepah dados tiga : asiki ka desa, asiki ka banjar, asiki ring sang polih naban.
- (4). Sang polih naban manut kadi ring sor :
 1. Sasampun 15 rahina nyadokang ring prajuru taler tan wenten mariangken wewalungan inucap, patut kasadokang malih ring sang mawang rat (pemerintah).
 2. Sasampun 21 rahina taler tan wenten mariangken wewalungan inucap keni kadruenang.
 3. Ngadol utawi matungan tur wenten muktiang, keni pamidanda gung arta pangargan wewalungan ring sang madrue miwah sang madrue taler kadanda epah dasan ring banjar sang naban.

Kaping 5.

Bhaya

Pawos 38.

- (1). Pariindik bhaya wenten bacakan panca bhaya luire :
 1. Jiwa bhaya, makadi kapet patinnia, kabaak, kakaninin, lan sapanunggilanipun.

2. Artha bhaya (Kapandungn / kamalingan).
 3. Geni bhaya (Katunuan) upami umah puun.
 4. Er bhaya (belabaran / anyudang embah).
 5. Dura cara ring agama.
- (2). Sang manggihin sahanan jiwa bhaya patut nepak kulkul pamitulung anut pawos 24 angka (2).5. tur sang mayanin keni pamidanda pangupakara sekala niskala, makadi prabea patiba jampi, saha niskalane keni panyangaskara, manut agung alit panca bhaya, tur patut kasukserah ring sang mawang rat.
- (3). Sang manggihin sahanan artha bhaya patut ngulkul mapitulung anut pawos 24 (2) angka 5 ring ajeng, utawi sang kapandung atur supeksa ring prajuru sane nimbangan saha niwakin pamutus ring dustane:
1. Sajawaning numusang ring sang ngawenang taler pamidandane mangda kaanutang ring pidaging Undang-Undang Negarane (KUHP) saha ngawaliang barang.
 2. Pamidanda nikel prade teer ngamaling lintangan ring apisan.
 3. Maweweh panyangaskara sanistane prayascita jangkep prade ngamaling barang sinanggeh suci.

Pawos 39.

- (1). Sang manggihin wenten katunuan utawi blabaran / anyudang embah lan sapanunggil ipun, patut ngulkul mapitulung anut pawos 24 (2) angka 5, miwah katedunin antuk sahanan ayahan saha gagawan anut pawos 26 (2).
- (2). Sang dura cara ring agama macihna tri pramana (ilikita, bukti, saksi) wenang sang inucap kadanda manut pararem saha panyangaskara prayascita jangkep sanistane.

Palet 6.

Panyanggran Banjar

Pawos 40

- (1). Rikala ngwangun yadnya suka duka, kengin nunan panyanggran banjar, manut ring banjarnia soang-soang.
- (2). Panyanggran banjar sane kamargiang manut dresta miwah pararem banjarnia soang-soang, manut panglokika agung alit karya, tur mangda katureksain olih prajuru desa.

SARGA IV.

SUKERTA TATA AGAMA

Palet 1.

Indik Dewa Yadnya

Pawos 41.

- (1). Palinggih panyiwian ring sawidangan desa adat Padonan, luire :
 1. Kahyangan Desa manut pawos 27 (1).
 2. Pura Padadian / Paibon / Pamaksan miwah pamrajan soang-soang krama desa.
- (2). Rahina piodalan soang-soang kahyangan inucap :
 1. Pura Desa rikala Soma, Kliwon wara Kuningan.
 2. Pura Puseh rikala Soma, Kliwon wara Kuningan.
 3. Pura Dalem / Mrajapati, Purnama Kajeng sasampun Buda Wage Langkir.
 4. Pura Melanting manut banjar soang-soang.
 5. Pura Kahyangan Desa kasukserah ring krama pangempon / pangemong soang-soang.
 6. Pura Paibon / Padadian kasukserah manut pangempon soang-soang.
- 3). Panemayan patirtan sekadi ring sor :
 1. Pura Kahyangan Tiga nganem sasih, miwah manut pararem.

2. Pura Melanting nganem sasih.
3. Pura Kahyangan Desa manut sasih.
4. Pura Pemaksan nganem sasih.
- (4). Pangaci ring pura Kahyangan Tiga lan Kahyangan Desa, nista, madya, utama nganut kawenten lan pararem, mitegepin lan pangaci kamedalang antuk krama desa.

Pawos 42.

- (1). Ring soang-soang pura inucap ring ajeng kawentenang pemangku.
- (2). Ngadegang pamangku manut dudonan :
 1. Nyanjan (nunas pawuwus Widhi)
 2. Warisan pemangku.
 3. Pilihan krama desa (manut pararem).
- (3). Sane tan wenang anggen pamangku :
 1. Ceda angga, luire : peceng, perot, cungh lan sapanunggilin ipun.
 2. Kageringan luire : sakit ila, ayan, buduh lan sapanunggilin ipun.
 3. Muah sane lian-lianan manut pararem.
- (4). Prabea ngwentenang pamangku lanang istri kamedalang antuk krama desa miwah rikala kapatiannia riwekas, mangda kapitra yadnya sanistane nyuasta geni ring kula wargannia, krama desa nyanggra antuk pepatusan soang-soang akilogram beras, awungkul kelapa, awungkul adeng.

Pawos 43.

Tetegenan Pamangku Kahyangan Tiga lan Kahyangan Desa, soang-soang sekadi ring sor :

- (1). Ngaryanang aturan nemoning Purnama, Tilem, Kajeng Kliwon lan sapanunggilin ipun.
- (2). Ngraksa saha miara pralingga miwah panganggen pura soang-soang.

- (3). Nyadokang ring prajuru desa prade wenten panganggen pura sane rusak, prajuru patut ngentosin manut panglokika.
- (4). Tategenan inucap nganut panglokika prajuru.

Pawos 44.

- (1). Swadharmaning pamangku :
 1. Ngenterang upacara-upacara piodalan ring Kahyangan Desa utawi ring soang-soang pakubon krama desa.
 2. Ngaturang panauran-panauran sinalih tunggil krama (warga dura desa).
 3. Nitenin nuntun kasucian kahyangan.
- (2). Sang mapanauran patut masadok ring prajuru mangda kailikitayang tur kaunggahang drue desa luire :
 1. Panauran upacara-upacara lan wewalen (balih-balihaan).
 2. Panauran lelues, mula-mula lan sapanunggilan ipun.
 3. Sesari-sesari lan sapanunggalan ipun.
 4. Sajawaning panauran, lan sapanunggilan ipun sane mawali kalungsur, kengin kapuputang antuk pemangku kemaon.
- (3). Muputang yadnya nista miwah madya olih pamangku gede, yening mautama kengin nuur sang sulinggih pacang muput piodalan inucap, lan pemangku maka panyanggra.
- (4). Mangku Kahyangan Desa kengin :
 1. Nibakang panugrahan ring mangku sanak, auban lan krama desa manut pararem.
 2. Polih panampa rikala ngamargiang pujawali saking wargan-dane mangku, juru canang, mangku kahyangan desa.
 3. Polih panyepuhan prade katiwakang antk sinalih tunggil krama, yening yukti tan wenten kaiwangan, sakewanten prade mabukti kaiwangannia patut nyepuhin raga antuk prabea ngraga.

Pawos 45.

Pikolih (petias) pamangku / sang sulinggih.

- (1). Sarin canang, sarin panauran lan sapanunggilan ipun, manut pararem.
- (2). Luput ayah miwah reramon ring desa, manut pararem.
- (3). Sarin tahun saking krama subaksane katur ka Kahyangan Desa kaetang antuk prajuru.

Pawos 46.

- (1). Pamangku kagentosin riantukan :
 1. Seda.
 2. Pinunas ngraga, menawite kageringan lan sapanunggilan ipun.
 3. Kawusang menawi nilar sasana, malaksana asta dusta (anayub cor).
- (2). Prade kacihnian mangku malih ngalap rabi patut mararean masengker 42 rahina, tur sampun nyuciang raga sareng rabine, antuk prabea ngraga. Yening balu prade malih ngamet rabi prabea panyucian kangkat polih saking desa.

Pawos 47.

- (1). Rikala patoyan / patirtan ring pura krama sane pedek tangkil ngaturang ayah patut mapangangge adat manut agama hindu.
- (2). Rikala piodalan ring Kahyangan Tiga lan Kahyangan Desa pamucuk ayah ring sajeroning wali saking banjar manut pagilir.
- (3). Krama banjar siosan patut ngebekang ngaturang pangubakti, patut pedek tangkil ka pura, kaetang antuk prajurunnia.
- (4). Prade muspa mangda tragia makta sarana / eteh-ete muspa.

Pawos 48.

Kasukertan kahyangan kadi ring sor :

- (1). Tan kalugra ngranjing ka pura :

1. Sang kacuntakan sangkaning sebel raga utawi kalayuan. Sebel raga luire :
 - ha. Sebel kandel (nraja swala), selami dereng mabersih.
 - na. Sebel madue oka, salami akambuhan (42 rahina).
 - ca. Sebel pangantenan, selami dereng mabea kala.
 2. Makta sahanan barang sinanggeh ngletehin.
 3. sato ageng / wewalungan, sajawaning rikala mapepada.
- (2). Pratilaksana tan wenang ring pura :
1. Masumpah / anayub cur, sajawaning pituduh prajuru.
 2. Makobetan, masesenengan, makolem dados asiki lanang istri, mabacin lan sapanunggilan ipun.
 3. Mungguh tedun palinggih, sajawaning pituduh pamangku wiadin prajuru.
 4. Ngamargiang tirta, sajawaning pamangku utawi mangku sanak / sulunggih.

Palet 2.

Indik Resi Yadnya

Pawos 49.

- (1). Sang pacang mapodgala (madwijati), sajawaning nunas panugrahan ring sang rumawos (Parisadha utawi Kantor Agama, Kepala Seksi Bimas Hindu) patut taler masadok ring prajuru desa.
- (2). Prajuru inucap patut sareng nureksa nitenin mangda sulur kalih pamargine yukti-yukti manut kecaping agama, makadi kacedaangga lan sapanunggilan ipun, saha sareng nyaksini pamargin upakarane.
- (3). Sapupute, prajuru desa patut digelis ngentosin parab manut panugrahan nabene, saha kasiarang ring paruman desa / banjar.

Pawos 50.

- (1). Sajawaning pamangku, sang pacang mawinten saha makabuatan pacang mamargi nyonteng, dalang, sakaluir pacang ngenterang yadnya,

patut masadok ring Klian Desa.

- (2). Prajuru patut ngawas nitenin tur sareng nyaksiang upakara salanturnia, tur wenang ngalangin prade kacihnan sasar kekecap miwah kadrestane, salanturnia nyiarang ring paruman desa tegap rauhing wates kawenangan pangenter yadnyane.

Pawos 51.

- (1). Krama desa / banjan katuntun antuk prajuru sareng ngawas nitenin mangda sahanan yadnya sane kawentenang, kaicen pamuput olih pandita utawi sang sajana (mangku, dalang, sakaluire) manut kawenangannia soang-soang.
- (2). Prajuru patut nuntun saha ngamanggala krama desa mikukuhin kasucian linggih para wikune, ring wewidangan desa adat Padonan.
- (3). Ngaturin dana punia nganut wibuh kancit karyane.
- (4). Saking ateleb mapiresep pawarah (pawisik) lan pustaka suci pakaryan Ida Para Resi.

Palet 3.

Indik Pitra Yadnya

Pawos 52.

Pamargi Pitra Yadnya.

- (1). Pangupakara sang lampus :
 1. Mendem utawi ngeseng maka cihna pakingsan ring Ibu Pertiwi utawi ring Bhatara Brahma salami nutupang prabea.
 2. Atiwa-tiwa utawi upakara pangabenan tur sane kengin kaabenang risampun ketus untu, saha prade during ketus ngawit saking yusa tigang sasih, patut kaabenang nglungah.
- (2). Upacara-upacara pitra riwusan pangabenan mawasta upacara-upacara pitara-pitari (bhatara-bhatari).

Pawos 53.

Swadharna lan tetegenan prade wenten sinalih tunggil krama desa lampus :

(1). Sang kaduhkitan :

1. Nyadokang ring prajuru tur nunas tetimbang ring kawentenannia.
2. Ngaturang ring banjarnia prade kapendem utawi kaabenang.

(2). Swadhrmaning banjar / desa :

1. Prajuru maritatas pemargin sang kaduhkitan napi pacang kapendem utawi kaabenang.
2. Nepak kulkul manut pawos 24 (2) angka 7 ring ajeng.

(3). Panyanggran banjar salanturnia :

1. Soang-soang krama nedunin patus manut pararem soang-soang banjar, asapunika taier prade lantur kaabenang.
2. Krama banjar lanang istri ngambil pakaryan manut dresta, miwah ngrombo rikala pakutangan, saha soang-soang mabusana adat sanistane maslempot lanange, miwah masesenteng krama banjar wadone.
3. Pamargin sawa miwah upakarannia mangda dabdad, antar, tan kengin nglaksanayang sane tan manut ring susila agama.
4. Prade murug kadi inucap ring ajeng angka 3, katur ring prajuru desa, kakeniang pamidanda manut pararem.

(4). Prade sawane malelet :

1. Mapawanengan selami 42 rahina, pradene tan kasidan sadereng panumaya inucap mangda ngwentenang pasadok ring prajuru desa / banjar.
2. Mungguing pagebagan manut paetangan prajuru banjar soang-soang.

Pawos 54.

Pamendeman patut sekadi ring sor :

(1). Nganutin dewasa, miwah tan kalugra mendem :

1. Rikala Prawani, Purnama, Tilem, Buda Kliwon, Anggara Kasih, Tumpek, Kajeng Kliwon lan sapanuggilanipun.
 2. Rikala Bhatara Kahyangan Tiga, Kahyangan Desa ngadeg.
 3. Makirim sajeroning desa.
- (2) Nganutin genah ring setra :
1. Wong rare sane during ketus untu genahnia manut dresta.
 2. Sane mayusa langkung ring ketus untu nyantos lingsir genahnia manut dresta.
- (3) Kalugrayang mendem manut paetangan :
1. Rare during ketus udel, patut kapendem pramangkin, tan ngetangin padewasan.
 2. Pamendeman rikala piodalan, sane kabawos galah dadi nganutin tata carane sampun mamargi.
- (4) Mapendem tan nganutin dewasa sane kabawos makingsan, tan kalugrayang makarya undung-undung (gegumuk), gumanti nyantos padewasan, upakara mamargi sepatutipun.
- (5) 1. Yening wenten sang tios desa mapendem iriki, kakeniang pananjung batu, mawerat 500 jinah bolong (Manut pararem prajuru) saha upakara sepatutipun manut agama Hindu.
3. Yening matempung ngaben, soang-soang sawa kakeninin pananjung batu, werat 250 jinah bolong (manut pararem prajuru).

Pawos 55.

- (1). Prade lampus sangkaning salah pati, ulah pati, werat pati, kabangawan lan sakancanipun kabakta budal lan kapreteka kadi patut, risampun kamanggala antuk upacara-upacara banten panebusan lan pangulapan.
- (2). Sang lampus sangkaning sakit ila, gering agung lan sapanunggilanipun, risampun kaupakara manut (1) ring ajeng kengin kapendem ring setra ageng.

- (3). Prade wenten sinalih tunggil krama ngerobang keluarga manut (2) ring ajeng, sadereng sang kageringan lampus, patut digelis kasadokang ring prajuru muah mapi tiba jampi usadha dokter. Yening mamurug mawastu gering inucap nglahlahin sang ngrobang kadande manut pararem.
- (4). Sawa deha truna kapatut ngangge rurub putih / kuning.
- (5). Indik mandesin sawa sane during mapandes, manut dresta.
- (6). Prade sang istri lampus ngadut manik, tan wenang kapendem / kageseng sadereng bobotane embas, mawastu urip utawi pendem.
- (7). Prade kahanan wong lampus ring pakaranangan, tegalan lan sapanunggilan ipun, patut sang maderbe sawa mrayascita genah inucap.

Pawos 56.

- (1). Mungguing kacuntakan kadi ring sor :

1. Saking babanjaran salami tigang rahina, prade kapendem ngaben / ngaben pramangkin, ngawit saking seda ngantos tigang rahina saking mapendem (malebar) buntas.
2. Sang madue layon : during kepus udel selami 42 rahina, sane sampun kepus udel ngunggahang salami 12 rahina.
3. Saking sulur pakilitan pakulawargan, tunggal dadia / Pamerajan, ngawit saking mapendem lamin ipun 12 rahina wawu buntas sasampun makelud. Sakewanten prade ngwangun yadnya, sawane mangda kapreteka / matirta pangentas saha makekelud sadereng 12 rahina.

- (2). Tan keneng cuntaka :

1. Sang sulinggih, pandita, utawi pinandita.
2. Rikala ngwangun yadnya sane kabawos galah dadi.
3. Mangku Kahyangan Tiga lan Kahyangan Desa.

Pawos 57.

- (1). Atiwa-tiwa (pangabenan) wenten kalih soroh :
 1. Nyuwasta..
 2. Sawa Prateka.
- (2). Nyuasta kalaksanayang antuk pengawak (cenana), dawning tan ngagah utawi sawane tan kakeniang.
- (3). Sawa prateka kalaksanayang antuk ngagah galih utawi mreteka sawa bah bangun.
- (4). Dudonan pangabenan sekading ring sor :
 1. Ngaskara antuk ngagah utawi nyuasta.
 2. Pangutangan antuk ngeseng sawa.
 3. Pakiriman.
 4. Nyekah / mamukur.

Pawos 58.

- (1). Panemayan pangabenan kalaksanayang sanistane 10 warsa prade nyekaa utawi ngerit.
- (2). Tata sulur pangabenan manut pamendeman ring ajeng maweweh upakara panebus tirta, sekadi ring sor :
 1. Banten ka pura Dalem peras daksina miwah saruntutan ipun.
 2. Banten kapura Kahyangan, Mrajapati pateh sekadi ring ajeng miwah sesarinnia saka buat / manut lila.
 3. Prade ngaben, nyekaa utawi ngerit manut pararem sekaa sawa.
 4. Banten ka Beji prade tan memanah toya, suci asoroh miwah ketipat soda.
- (3). Prade mapendem, upakara nunas toya ring pura Dalem miwah Kahyangan Mrajapati, pamargine manut dresta.

Palet 4.

Indik Manusa Yadnya

Pawos 59.

- (1). Manusa Yadnya inggih punika upacara upakara dharmaning manusa, ngawit saking patemoning kama petak kalawan kama bang sajeroning garba I biang ngantos lampus riwekas.
- (2). Upacara ring ajeng madudonan sekadi ring sor :
 1. Magedong-gedongan duk pangrempinian I biang (yusa bobotan 3-4 sasih).
 2. Duk sang kamareka (rare) wawu medal.
 3. Kepus udel / puser.
 4. Nglepas aon, ri sampune rare mayusa 12 rahina.
 5. Akambuhan, rare mayusa 42 rahina.
 6. Tigang sasih (nyambutin).
 7. Pawetuan risampun rare mayusa 6 sasih.
 8. Ngempugin rikala rare tumbuh untu.
 9. Makupak / maketus upakara sesayut pangerti suara.
 10. Munggah deha truna (ngraja wadone, ngembakin lanange).
 11. Mapandes / matatah.
 12. Mawiwaha / madengen-dengen ring pa-grihasta-ne.
 13. Mawinten, nunas panugrahan sang Hyang Saraswati.
- (3). Upacara upakara soang-soang ring ajeng, nista – madia utawi utama nganutin sastra agama miwah catur dresta, maka buatan desa drestane ngawetuang sima cara banjar / Desa Adat Padonan.
- (4). Upacara pawintenan manut sekadi pawos 50 ring ajeng miwah upacara pawiwahan manut pawos 64 (1). Ring sor.

Palet 5.

Indik Bhuta Yadnya.

- (1). Bhuta yadnya inggih punika upacara upakara sane kaatur ring para bebhutan.
- (2). Upacara inucap ring ajeng nista madya lan utama manut wiguna kadi ring sor
 1. Yadnya sesa (masaiban).
 2. Eka sata, antuk ayam brumbun asiki.
 3. Panca sata.
 4. Resi Ghana.
 5. Panca kelud.
 6. Panca sanak.
 7. Tawur Kesanga.

Pawos 61.

Upacara tawur Kesanga kadi ring sor :

(1). Majeng ring Ida Bhatara Patut :

1. Ring pangelong ping roras Kasanga nyejerang Ida Bhatara ring pura Bale Agung.
2. Palelastian :
 - ha. Pangelong ping telulas Kasanga melastiang Ida lunga ka segara.
 - na. Pangelong ping empat belas Kasanga Ida Bhatara nyejer ring Bale Panjang.
 - ca. Ring Tileming Kasanga nyoreang Ida Bhatara nodia upacara pacaruan ring Bale Agung.
3. Upakara kaetangan antuk prajuru :
 - ha. Pidaging upakara kakaryanin antuk banjar, kasanggra prajuru-prajuru.
 - na. Wali tetabuhan manut pagilir.
4. Sajawaning juru songsong, Juru tedung, juru bandrang, prajuru banjar pamucuk pangarapan upakara, miwah krama banjar sane ngamedalang tatabuhan (gambelan), krama banjar tiosan patut ngiring melastiang Ida Bhatara tur prade cedok tan kapiambeng keni pamidanda manut pararem krama banjarnia soang-soang.

(2). Upakara tawur manut kadi ring sor :

1. Ring Tileming Kasanga Kawastanin tawur Kasanga, ketah kabawos
Ngrupuk / nogtog, pacang mapag rahina panyepian benjangne.
2. Pecaruan manut genah, makadi :
 - ha. Ring desa manut pararem, sanistane eka sata.
 - na. Ring lebuw soang-soang krama masegeh agung manut arah-arahan.
3. Ring tepengan ngerupuk nyoreang tan kengin langkungan ring tengah
wengi, riantukan dauh inucap maka panampih rahina benjangne, inggih
punika sampun rahina panyepian.
4. Tatacara ngrupuk mangda mamargi trepti / katureksain antuk prajuru,
prade mamurug keni danda manut pararem.

Pawos 62.

(1). Upacara rahina Nyepi, nganut catur pabratan sekadi ring sor :

1. Amati Geni, tan wenang ma api-api sajawaning :
 - ha. Sang madrue rare dereng tigang sasih, ring genah rare inucap.
 - na. Sang matepetin ring genah sang sungkan.
 - ca. Sang nruenang layon ring genah sawa.
2. Amati karya, tan wenang nyambut karya.
3. Amati lampah, tan kengin malelungan, sajawaning panilik desa lan prajuru
dinas, miwah sang polih uak-uakan (ijin) antuk ilikita pastika.
- 4 Amati lelanguan, tan kengin masuara gora, maoneng-onengan / maplalian
lan sapanugilan ipun.

(2). Prade mamurug brata panyepian, keni pamidanda manut pararem,
kalaksanayang antuk patilik desa miwah Hansip. Danda inucap kapinero tiga :
soang-soang polih apah tigaan desa, banjar lan patilik / Hansip.

(3). Riwus rahina nyepi kawastanin Ngembak Geni mapitege panglukaran yoga
semadi kadulurin antuk ngaksama soang-soang krama desa / banjar,
makacihna pangawit içaka warsa.

SARGA V
SUKERTA TATA PAWONGAN

PALET 1.

Indik Pawiwahan

Pawos 63.

- (1). Pawiwahan inggih punika patemoning purusa lan pradana melarapan panunggalan kayun suka cita kadulurin upasaksi sekala kelawan niskala.
- (2). Palaksanaan pawiwahan weten 3 soroh luire :
 1. Papadikan kamanggala antuk pakerunan.
 2. Ngrorod, ngrangkat riin wawu kakrunayang.
 3. Nyeburin utawi nyentana (risampun kategepin upacara pajati / jauman).
- (3). Pidabdab sang mawiwaha patut :
 1. Sampun manggeh deha truna.
 2. Sangkaning pada rena (tan kapaksa).
 3. Nganut kecaping agama (tan gamia, gamana lan sapanunggilan ipun).
 4. Prade pangambile tios agama, kamanggala antuk banten panyambutan.
- (4). Pamargin pawiwahan (parabian) inucap ring ajeng mangda taler ninutin undang-undang panegarane inggih punika UU no.1 warsa 1974 saha PP no.9 warsa 1975 miwah pasuara sane kamedalang antuk Gubernur Kepala Daerah Propinsi Bali.
- (5). Sang sane murug kecaping ajeng manut tri pramana, patut :
 1. Tan manut kecaping (3).2. menawi kapaksa (Kaplegandang) antene kengin kapalasang tur kadanda gung arta werat 100 kilogram beras. Pamidanda punika kaaturang ka banjar atenga, ka desa atenga.
 2. Sang ngruronin (ngicen genah) antene saha masadòk ring prajuru adat lan dinas jantos 3 rahina suene, keni pangruron inucap danda gung arta werat 25 kiligram beras, miwah sang nyarengin mlegandang keni 50 kilogra beras

3. Tan manut kecaping agama, kadanda werat 100 kilogram beras lan parabiane kapalasang.

Pawos 64.

- (1). Parabian sane kapatut ring Desa Adat Padonan manut kecaping pawos 63.(1). Risampun maka cihna :

1. Pawidi widanan, sanistane pabiakalan (madengen-dengen).
2. Kasaksiang antuk prajuru-prajuru dinas lan adat.
3. kaunggahang sajeroning pailikitan tur katumusang ring sang ngawenangan (Capil).

- (2). Palaksanan pangrorodan :

1. Reraman lanange ngwentenang pamilaku (pejati) antuk duta ring sakirangnia kalih diri, saha tan kengin kasepan ring arahina, sajawaning sang ngambilsaking sios desa, kengin kasepan jantos 3 rahina.
2. Risampun reraman wadone nrima pamilaku, patut nepak kulkul anut pawos 24.(2).4 tan kengin kasepan ring arahina.
3. Prade nepak kulkul sangkaning tan nerima pamilaku, mapiteges ngawirosaning duta, wenang keluarga wadone kasisipang 25 kilogram beras.
4. Yening tan wenten pamilaku kengin netes (neteg) kaenter antuk prajuru dinas / adat saha nganutin tata cara netes.
5. Pagenahan antene tan kengin ring paumahan sang lanang, sadereng mabiakala, sajawaning wadone saking dura desa adat Padonan.
6. Yening antene miwah kulawargane pada arsa, dados kabakta budal ring genah sang lanang wiadin wadon.

- (3). Sajeroning pakurenan (Panglukuan) patut :

1. Kamanggala antuk geng pangampura (melaku pelih) arep ring reraman wadone.

2. Kaigumang bebawos sang ngidih saha dewasa pakerab-kambean riwekas.
3. Taler kacihnayang mungguing purusa utawi sentana rajeg kajejerang, patut ngidih anak lanang.
4. Prade tan terima pakrunan kamargiang pepadikane jantos ping tiga.
- (4). Pakerab-kambean mapiteges upacara tinas apadang (puput) mapikuren, dawning manut sekadi ring sor.
1. Sajeroning bebawos ambe kalaksanayang ring sekala niskala antuk serana jejauman miwah pawidhi-widanan :
 - ha. Jejauman pinaka ngambe / ngadungang kayun soang-soang kulawarga wadone.
 - na. Widhi-widana pinaka pajati niskala nunas wadone ring pamrajannia.
2. Sajeroning pakerab, palaksana ring sekala :
 - ha. Antuk upasaksi krama banjar dawning kasiarang mungguing kawentenan sinalih tunggil warga mawiwaha.
 - na. Pamekas panyaksi prajuru adat lan dinas tur kailikitayang.
3. Tan kapatutang makta jejauman ring dahane yening wenten kapialangan.

Pawos 66.

- (1). Piteges pawiwahan, patut sang lanang marabi adiri, asapunika sawaliknya, sajawaning pasubaya paitungan sios.
- (2). Dados marabi langkungan ring adiri yening sampun polih paiguman olih rabinnia sane dumunan.
- (3). Ptade wenten lokika-sanggraha patut kasakapang tur keni pangrebu ring pura, yan tan satinut kasakapang, keni sang lanang danda beras werat 100 kilogram, saha ngupakara bobotannia. Prade sang mobotang langkung ring adiri, soang-soang keni pamidanda werat 50 kilogram beras, saha lanang istri ngrebu ring pura.
- (4). Prade wenten mamitra ngalang sang ngawenang cemer pajagatan desa adat

3. Tan nyanggamen saha tan ngupa jiwa jantos 2 warsa.
4. Prade manut tri-pramana sang mawicara inucaping ajeng angka (2). (3). :
 1. Parabian kengin kapalasang.
 2. Tan kengin makta arta brana (tetatadan).
 3. Katiwakin pamidanda 25 kilogram beras, saha upacara masapsap ring pura Kahyangan Tiga miwah kasaksinin antuk prajuru desa miwah banjar.
5. Prade palas marabian sangkaning pada lila cita patut :
 1. Naur prabea panumbas suaran kulkul pada matenga.
 2. Paguna kayan polih pahan pada.
 3. Bekel / tadtadan soang-soang kakuasa niri-niri, sakewanten warisan kakuasayang antuk purusa.
 4. Ngweruhang miwah pangupajiwan pratisentana manut swadharmaning guru rupaka.
 5. Katiwakin pamidanda manut angka (4).3 ring ajeng.
6. Pamidanda panyapian kengin kamargiang risampun katiwakin pamutus antuk sang rumawos anut pawos 67.(4) ring ajeng.

Pawos 69.

- Prade riwekas sang palas kacihnayang adung malih patut :
- (1). Nglaksanayang pawiwahan malih anut pawos 64.(1) ring ajeng.
 - (2). Keni pamidanda nikel saking palase yadiastun wit palas inucap sangkaning pada lila. Pamargine inucap kabawos tulak wali.

Pawos 70.

- (1). Balu kabinayan dados :
 1. Balu wit Santana (rajeg) miwah balu luh boya Santana.
 2. Balu muani kapurusan muah balu muani nyeburin (boya sentana).
- (2). Swadharmaning balu inucap patut :

1. Ngamanggehang pati bratha, tan kengin ngamargiang paradara / dratikrama.
2. Ngwasayang waris pangunakayan, tan kengin ngadol, ngadeang, makidihang, sajawaning polih uak-uakan saking pianak utawi pakulawargan ipun (prade pianake kanton alit-alit).
3. Kengin ngidih santane prade sampun wenten pidabdab sadurung sinalih tunggil lampus, saha kakuasayang antuk kulawarga sinanggeh kapurusan.
4. kawenangan mawiwaha malih prade sampun polih paigum saking ipianak deha / truna utawi kulawarga kapurusan, tur prasida ngupajiwa sentana.

Pawos 71.

- (1). Balu kaucap tan pageh luire :
 1. Dratikrama / Paradara.
 2. Matilar saking paumahan tanpa sadok, jantos salami 6 sasih.
 3. Lempas ring swadharmaning balu, tan prasida ngesehin solah maprawerti arep ring pituduh pakulawarga kapurusan.
- (2). Yening macihna kadi ring ajeng manut tri pramana, wenang balu inucap, inggihan balu luh boya sentana miwah balu muani nyeburin :
 1. Katundung antuk kulawarga kapurusan.
 2. tan polih upon waris.
- (3). Prade balu inucap pageh, katundung antuk kulawarga kapurusan, kengin polih pahan pangunakaya.

Palet 3.

Indik Sentana

Pawos 72.

- (1). Mungguing sentana wenten kalih soroh, luire sane kaucap pratisentana, miwah sentana paperasan.

- (2) Pratisentana inggih punika sentana sane metu saking pawiwahan.
- (3) Prade perabianne tan kapatut utawi tan manut drestaning alaki rabi, ngwentenang sentana, mangda tan kawastanin astra (panak bebinjat) yogia kamanggala antuk upakara sesayut panyampi, miwah manut pararem.
- (4) Prade pawiwahan tan ngwetuang sentana, kengin ngidih sentana antuk upasaksi sekala niskala sane kawastanin sentana paperasan.
- (5) Prade wenten sinalih tunggil krama desane madrue putra kembang lanang istri (buncing) mungguing upacara kawenang sanistane caru eka sata ring genah inucap, ring pakubonannia.

Pawos 73.

- (1) Ngangkat sentana manut dudonan patut maka cihna artha brana pamerasan (panumbas basan buat) saha kesaksiang sekala niskala.
- (2) Sapisira krama pacang ngidih sentana patut masadok ring prajuru desa sanistane asasih adereng pamerasan.
- (3) Prajuru desa patut nyiarang ring sawidangan desane, sang sapisira ugi rumasa tan lila mangda nyadokang masengker kalih wuku ring prajuru desa sabanen pamerasan.
- (4) Prajuru desa digelis mawosin saha ngicen pamutus nepek ring catur dresta miwah pararem.

Pawos 74.

- (1) Paperasan sinanggeh kapatut risampun makacihna :
 1. Widhi-widana.
 2. Kasaksinin antuk prajuru adat lan dinas saha kasiarang ring paruman banjar.
 3. Wenten ilikita, unggahang tata sulur pamargin pamerasan.
- (2) Sang patut kaperas anggen sentana, kadi ring sor :

1. Jatma magama Hindu.
 2. Pepernahan nedunang saking sang meras.
 3. Kulawarga saking purusa. Yening tan wenten kengin saking wadon, prade tan wenten kengin sakama-kama.
- (3) Kengin ngangkat sentana langkungan ring adiri, lanang utawi wadon.

Palet 4.

Indik Warisan

Pawos 75.

- (1). Warisan inggih punika tatamian artha brana saha ayah-ayahan ngupadi sekerta sekali niskala saking kaluhurannia arep ring turunannia.
- (2). Kang sinanggeh warisan luire :
 1. Drue tengah makadi bukti pura dadya, siwakrama, pamrajan lan sapanunggilan ipun.
 2. Pamrajan sanggah (kemulan).
 3. Wenten artha brana miwah tategenan / ayah-ayahan marupa warisan.

Pawos 76.

- (1). Ahli waris luire :
 1. Pratisentata purusa.
 2. Sentana rajeg.
 3. Sentana peperasan lanang / wadon.
- (2). Prade tan wenten sekadi ring ajeng kang sinanggeh ahli waris :
 1. Turunan purusa pernah ngunggahang, makadi rerama misan mindon.
 3. Turunan purusa pernah kasamping, makadi kaponakan misan mindon.

Pawos 77.

Swadharmaning ahli waris patut :

- (1) Nrima saha ngwasayang tetamian pahan saking kaluhurannia, makadi ngrempon sanggah, pura saha pangupakara miwah nylehin ayah-ayah pawaris.
- (2) Ngabenang pawaris saha nglanturang upacara ring pitra.
- (3) Nauring utang pawaris.

Pawos 78.

Pangepahan warisan manut sakadi ring sor :

- (1) Risampun kalaksanayang pitra yadnya lan utang-utang ring pawaris buntas kataur.
- (2) Para ahli waris polih pahan pada sangkaning pangunakayan.
- (3) Sinalih tunggil ahli waris ring ajeng kengin tan polih pahan prade :
 1. Matilar (magentos) saking sangkaning ngutang tategenan utawi nilar agama Hindu.
 2. Alpaka guru rupaka.
 3. Sentana rajeg kesah mawiwaha, miwah pratisentana nyeburin soang-soang kabawos ninggal kedaton.
- (4) Prade boya ahli waris kengin muponin kewanen, anut dudonan :
 1. Sentana luh selami during kesah mawiwaha utawi alpaca guru, prade lokika sanggraha mawastu madrue pianak, kengin ngawaris pangunakayan sentana luh inucap makadi biyange.
 2. Balu luh wiadin balu muani nyeburin (boya sentata).
 3. Mulih deha wiadin truna, riantikan ring pawiwahan pecak sampun kabawos ninggal kedaton.
- (5) Pawaris kengin mapaweweh rikala kari maurip, pinaka :
 1. Jiwa dana, tatadan / bekel, maka cihna paweweh tetep ring ipanak sane sane kesah mawiwaha.
 2. Pangupajiwa, paweweh padgata kala pawaris maka pamupon hasil kemawon.

3. Pedum pamong / pedum raksa, pahan waris padgata kala ngantos pedum jumenek saking pawaris arep ring ahli waris.

Pawos 79.

- (1). Prade wenten sajeroning pakulawargan ahli waris langkungan ring adiri :
1. Kawentenan paigum indik pedum waris inucap.
 2. Yan tan prasida kengin nunas tetimbangan ring kerta desa (Kelian Desa).
 3. Prade taler tan wenten cumpu ring panepek kerta desa kengin nunasang ring sang rumawos.
- (2). Prade wenten karang pedi kaputungan wenang prajuru desa mawosin (nureksa sila-sila) sulur pakulawarga tur nibakang ring :
1. Ahli waris saking purusa manut pawos 76.(2).
 2. Yening tan wenten kadi kecaping angka 1, kengin katibakang ring wadon.
 3. Prade taler tan wenten inucaping angka 2, wawu kengin sakama-kama saha magama Hindu.

SARGA VI.

WICARA LAN PAMIDANDA

Palet 1.

Indik Wicara

Pawos 80.

- (1). Sang wenang mawosin makadi mutusang wicara ring desa, luire :
1. Kelian Adat prade sang mawicara patunggilan babanjaran.
 2. Bendesa Adat prade sang mawicara mabinayan bebanjaran.
- (2). Prade sang mawicara tan wenten cumpu ring tata caran Kelian Adat kengin nunas babandingan ring Bendesa Adat.
- (3). Yan tan wenten cumpu ring pamutus Bendesa Adat, kengin nunasang wicara inucap ring sang rumawos.

Pawos 81.

- (1). Sahanan wicara sane mawiwit kacorahan sakaluire, miwah sinanggeh nungkasin daging awig-awig, pasuara miwah pararem, patut kabawosang pramangkin antuk prajuru, tan nyantos pasadok.
- (2). Sajaba wicara kadi ring ajeng patut nyantos pasadok sang nunas bawos.
- (3). Panepase mangda pastika nyantenang iwang patut malarapan tri pramana (ilikita, bukti, saksi), saha tan maren nepek ring catur dresta.

Palet 2.

Indik Pamidanda

Pawos 82.

- (1). Desa / banjar wenang niwakang pamidanda ring warga sane sisip.
- (2). Paniwak inucap kalaksanayang olih Bendesa Adat utawi Kelian Adat nunggal manut dudonan.
- (3). Agung alit pamidandane masor singgih manut kasisipane, tan maren ngupadi dharma kawelas arsan, pinih ajeng makabuatan kasudatmalan desa.
- (4). Bacakan pamidanda luire :
 1. Danda artha miwah panikel-panikelnia.
 2. Pangampura / Nyewaka.
 3. Upakara panyangaskara.
 4. Kasepekan makrama.
- (5). Jinah utawi artha brana pamidanda ngranjing dados druen desa / banjar.

Pawos 83.

- (1). Rikala pawanengan ngamedalang jinah papeson / urunan, dedandan / dedosan, yening celled ring pawanengan risampun kalugrain tempo asangkepan, keni pamidanda nikel.

- 2) Risampun keni nikel, wewaneng malih kalih pasangkepan taler tan katawur, mawastu sang inucap tan manut ring sadaging awig-awig, pasuara miwah pararem desa / banjar, wenang kasepekan makrama.
- 3) Pamidanda angka (2). ring ajeng keni buntas risampun sang kakeninin :
1. Nunas geng pangampura / nywaka ring krama desa / banjar riantukan nguak (piwal) ring pasubaya sane kararemin pecak.
 2. Naur pangargan tan nganutin awig-awig sane macihna artha brana duk pacang kararianing.

SARGA VII

NGUWAH NGUWUHIN AWIG-AWIG

Pawos 84.

- (1). Nguwah-nguwuhin awig-awig desa puniki kalaksanayang antuk paruman desa.
- (2). Paruman inucap mangda kadasarin antuk pakarsan krama desa.
- (3). Pamutus bawos mangda kadasarin antuk gilik saguluk (pararem).

Pawos 85.

Paparuman indik nguwah-nguwuhin awig-awig sekadi ring ajeng kengin kamedalang antuk Bendesa Adat, Kelian-Kelian Adat, yadiastu niri-niri miwah sinarengan.

SARGA VIII

PAMUPUT

Pawos 86.

- (1). Awig-awig puniki kawastanin Awig-Awig Desa Adat Padonan.
- (2). Awig-awig puniki kamargiang ngawit kararemin.

Pawos 87.

- (1). Sakaluiring sane wenten saderengnia patut kaanutang ring sadaging awig-awig puniki.
- (2). Sakaluiring sane durung kabawos sajeroning awig-awig puniki patut kalaksanayang manut tata cara sane sampun ketah mamargi, kadulurin antuk pararem-pararem.

Pawos 88.

- (1). Awig-awig puniki kararemin duk rahina Sukra Pahing wuku Matal, Purnama sasih Kadasa, Isaka warsa 1907, tanggal 5 April 1985, ring Wantilan Jaba Tengah Pura Desa Adat Padonan, tur kasampurnayang duk paruman ring rahina Wraspati, Kliwon, wuku Langkir, Purnama sasih Kadasa Isaka warsa 1927, tanggal 24 Maret 2005 ring pura Desa Adat Padonan.
- (2). Awig-awig puniki kalingga tanganin olih Kelian Desa (Bendesa Adat) kasarengin antuk Kelian-kelian Banjar Adat, kasaksinin antuk Perbekel Desa Tibubeneng lan Bapak Camat Kuta Utara.
- (3). Katurin Bapak Bupati Badung.
- (4). Luir sang ngalingga tanganin :

Bendesa Adat Padonan

Drs. I Made Degir.

Penyarikan Desa Adat Padonan

Drs. I Nyoman Karja

Saksi - saksi :



Perbekel Desa Tibubeneng

Drs, I Made Gandra.



Camat Kuta Utara

I Wayan Adi Arnawa, SH.



Bupati Badung

A. R. Ngurah Oka Ratmadi, SH.

PAKELING :

Awig-Awig ring ajeng karipta tur kailikitang olih Panitia, miwah Pamucuk ring Desa Adat, sawidangan Desa Adat Padonan.

Prawartaka Pamidabdab Awig-awig :

- | | |
|---------------|-------------------------------|
| Ketua | : I Wayan Seter. |
| Wakil Ketua | : I Wayan Suarna, SPd. |
| Sekretaris I | : A.A. Ngurah Putra. |
| Sekretaris II | : I Nyoman Adi Wiryana. |
| Anggota | : 1. I Gede Karyanadi, SPd. |
| | 2. Drs. I Gede Sutamaya. |
| | 3. I Nyoman Adnyana. |
| | 4. I Nyoman Caper. |
| | 5. I Wayan Suralaya. |
| | 6. I Gst. Putu Oka Sudarsana. |
| | 7. I Made Nyadra. |
| | 8. I Made Yasa. |
| | 9. I Made Tirtayasa. |
| | 10. I Made Wernia. |
| | 11. I Ketut Bendi. |
| | 12. I Ketut Sandi. |
| | 13. I Nyoman Sukanta, SE. |
| | 14. AA. Made Sukarta, BSc. |

